



Pionsen sa mont



Idiom: Gherdëina

Meludia: Engl Runggaldier

Paroles: Engl Runggaldier

dong - ding - dong - ding...

La ciampana da Sacun sona l'Anmaria:

Audide ma ce bel!...

Y tan lonc rundenëscel fin sëura mont via:

Audide ma ce bel!...

L gial à da giut bele ciantà!

Echo: bele ciantà...

L surëdl vën sëura mont ca!

Echo: I vën ca...

Cialëde, cialëde, I mond ie ndurà,

i crëpes, la pizes di lëns s'à mpià.

Pionsen sa mont!

Pionsen sa mont!

Pionsen sa mont!

Pionsen sa mont!

tralla - tralla...

tralla - tralla...

Sci, jon te Mastlé, sun Stevia y jun Val,

s'la buvon y cianton y fajon ënghe n bel bal.

Desmincion i festidesc, la fadia y I sué,

sun chësc mond te Gherdëina iel for plu bel sté!...

Sa Bula, Mont Sëuc y te Pana se n jons,
de bon' eghes buvons, bieï ciofes tlupons,
tal Juan, ta la Bula y ja Dosses cherdons:
unide, unide, mutans y mutons!...

Ziplon, depenjon y n turnon d'uni sort;
a chi ne se lascia n pesc, ne fajons degun tort:
ladins sons de raza, Tiroleri for stac,
son strambi de lauré y nia stlec de fé ac!...

Jodler: Holladiridio - tiriaridio - Holladiridio - tira ho...!

Da sëira

dong - ding - dong - ding...

La ciampana da Sacun sona l'Anmaria:
Audide ma ce bel!...
Y tan lonc rundenëscel fin sëura mont via:
Audide ma ce bel!...

La gialines ie da giut te stalot!
Echo: te stalot...
L surëdl ie ënghe bele jit sot!
Echo: bele jit sot...

Cialëde, cialëde, l mond va a durmì!
A cësa, a cësa lascënes mé jì!
A duc na bona nuet!...
A duc na bona nuet!...